

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23) i Programa utroška sredstava planiranih Budžetom Zeničko-dobojskog kantona za 2025. godinu, u razdjelu 20, Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, Budžeta Zeničko-dobojskog kantona za 2025. godinu broj: 02-11-15305/25 od 14.08.2025. godine, broj: 02-11-20500/25 od 14.11.2025. godine i broj: 02-11-22555/25 od 19.12.2025. godine, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 110. sjednici, održanoj 26.12.2025. godine, d o n o s i

O D L U K U

o odobravanju novčanih sredstava JU „Penzionerski dom sa stacionarom“ Zeničko-dobojskog kantona za nabavku stalnih sredstava i adaptaciju zgrade

Član 1. (Predmet)

Odobravaju se JU „Penzionerski dom sa stacionarom“ Zeničko-dobojskog kantona novčana sredstva u iznosu od 100.000,00 KM (slovima: stotinhiljada konvertibilnih maraka), kao pomoć Vlade Zeničko-dobojskog kantona za nabavku stalnih sredstava i adaptaciju zgrade koju koristi JU „Penzionerski dom sa stacionarom“ Zeničko-dobojskog kantona, s ciljem preduzimanja neophodnih sigurnosnih standarda za bezbjedan boravak štićenika u ustanovi.

Član 2. (Analitička konta)

Sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 12/25), razdjel 20-Ministarstvo za rad, socijalnu politiku i izbjeglice, budžetska organizacija 01, potrošačka jedinica 0001, ekonomski kod 615100, subanalitika KAD 207, pozicija Budžeta: „Ostali socijalni transferi“.

Član 3. (Uplata sredstava)

Odobrena sredstva će se uplatiti na transakcijski račun JU „Penzionerski dom sa stacionarom“ Zeničko-dobojskog kantona, broj: 134-010-00003667-80, koji je otvoren kod ASA Banke d.d. Sarajevo.

Član 4. (Realizacija Odluke)

(1) Za realizaciju ove odluke zadužuju se JU „Penzionerski dom sa stacionarom“ Zeničko-dobojskog kantona, Ministarstvo za rad, socijalnu politiku i izbjeglice i Ministarstvo finansija, svako u okviru svoje nadležnosti.

(2) Zadužuje se JU „Penzionerski dom sa stacionarom“ Zeničko-dobojskog kantona da izbor najpovoljnijeg ponuđača za nabavku stalnih sredstava i adaptaciju zgrade iz člana 1. ove odluke izvrši u skladu sa Zakonom o javnim nabavkama Bosne i Hercegovine („Službeni glasnik BiH“ broj: 39/14, 59/22 i 50/24), te da odmah po zaključivanju ugovora sa izabranim ponuđačem/ponuđačima, primjerak kopije ugovora dostavi Ministarstvu za rad, socijalnu politiku i izbjeglice radi praćenja realizacije.

Član 5.
(Izvještavanje)

Obavezuje se JU „Penzionerski dom sa stacionarom“ Zeničko-dobojskog kantona da Ministarstvu za rad, socijalnu politiku i izbjeglice odmah po završetku nabavke stalnih sredstava i radova na adaptaciji zgrade, a najkasnije do 31.03.2026. godine dostavi kompletan narativni i finansijski izvještaj o namjenskom utrošku odobrenih sredstava.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-22962/25
Datum, 26.12.2025. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x JU „Penzionerski dom sa stacionarom“ Zeničko-dobojskog kantona,
putem Ministarstva,
1x „Službene novine Zeničko-dobojskog kantona“,
1x a/a.